

新泰縣志卷十一

名宦第二十七

舊志名宦附載職官今別爲一卷以昭慎重按祀名宦者惟邵惲高奉李上林李春萼四人其餘第載之名宦而祀典闕如如劉瓚劉宗禮高如山王應修趙希抃胡向化鄭寢昌盧紘甯養氣宗之璠等諸君子治行尤卓卓者而不得入夫子之牆何以爲後來勸也且摭其行述本末不備世代已遠雖父老猶能言之不敢妄爲附會從乎其舊而已余謀之諸紳士將欲白其事於

新泰縣志

卷十一

名宦

一

上官補祀名宦使諸君子姓名永垂不朽以期無濫無遺第恐簿書旁午有志而未逮爾然心之向往諸君子者竊用以自勵也

知縣

元

靳明字彥輝邑人初充把軍都統又任濟州提舉改東平兵馬遷武義將軍新泰縣令淄州刺史元帥右監軍掌握兵權兼視民事復遷兗州別駕

明

邵惲洪武間任廉以律已仁以撫民在任九年官

無廢事野無流民祀名宦

高 奉直隸井陘人成化間由舉人爲知縣節用愛人教民種蔬菜以備荒歉歲時親詣閭里驗其多寡以爲賞罰新之有園圃者自公始六年調高密去後人思之如考妣祀名宦

鄭 順直隸宛平人成化間以舉人知新泰宅心仁恕蒞政簡易吏畏民懷尤妙岐黃之術爲民療病賴以生活者甚衆以本縣差繁賦重奏減三分之一包 溥浙江鄞縣人宏治間由進士爲縣令廉潔嚴明遇歲荒躬詣當路請發帑數萬賑之民賴生全五

新泰縣志

卷十一

名宦

一一

年陞監察御史

李 瑋河南南陽人宏治間由舉人爲縣令爲政簡而不廢嚴而不苛獄無淹囚庭無留訟二年以丁艱還里民思之

吳 禧浙江蘭谿人宏治間由進士爲縣令敷政嚴明心存豈悌士民仰之如父母陞工部主事

劉 瓚江西新鄉人監生正德間知新泰到任甫三日流賊數萬騎突至瓚號令嚴明城守有方賊力攻三日不克而去

張 啟河南中牟人正德間以舉人爲縣令政尙易

間吏民懷畏以才堪治煩調長清

魏 河河南羅山人嘉靖間以舉人爲縣令令行禁止百廢俱興內恕外嚴紀綱不紊陞薊州知州

劉宗禮直隸大名人監生嘉靖間爲縣令性慈和蒞政簡易自蒔蔬菜以馬糞代薪惡衣菲食甚於寒士室人病之宗禮笑曰無功而祿不饑不寒足矣豈可忘窮黎之凍餒耶居二年調延川且行矣猶令人治畦左右曰烏用此爲哉答曰吾雖去寧無後人乎吾留一分民省一分去之日行李蕭然

張一良直隸蠡縣人嘉靖間以舉人爲縣令刑清政

新泰縣志

卷十一

名宦

三

簡執法無私吏畏其威民懷其惠陞大通府通判

劉光昇陝西中部人選貢萬歷間爲縣令愛人好士始終如一非所應得一介弗取又立官莊百餘處士民立祠祀之

李上林江南如臯人監生萬歷間以德州同知委署茲邑愛民如子時歲歉請賑濟貸粟鄰邑民賴以保全尋坐改本邑除無名之費定徵輸之條嚴治左右寬恤里甲修築石城杜絕開採又置學田地三頃八十二畝有奇在任五年桑麻遍野邑無逃亡士民立祠祀之祀名宦

李獻明陝西米脂人進士萬歷間筮仕長治以不阿當道左遷辛丑補是邑爲政持大體潔已却餽敬士愛民百姓安之以治行調長山去之日行李蕭然惟圖書一篋而已士民留之不得爲立生祠歷陞重慶府知府

胡悅安直隸南和人萬歷間以舉人爲縣令折獄明允民皆憚之均田土修文廟遺德至今不泯歷陞遵義府知府

路 陞廣東饒陽人萬歷間由進士爲縣令政刑明肅無敢干以私者州郡之使咸却避之調陽信行取

吏部士民祠之

高如山直隸永年人萬歷間由舉人爲縣令操守冰清撫民慈惠賦稅不待督輒先期報竣罷一切煩苛與民休息以人文不振改建東門鑿泮池縣學之設泮自此始凡理詞訟數言之間情僞畢獻無敢售其欺者蒞任四年陞青州府同知

王應修號丹霞河南南陽府人萬歷癸丑由選貢爲縣令時福藩王田泝在新者百餘頃視鄰封加倍應修委曲固請均攤從輕且慮親佃搔擾首建納租之己卯大旱勸諭富戶貸麥種於貧民設處官牛一

百四十隻助之歲儉米價騰踊權宜帑金五百於豐收處易雜糧千餘石設粥廠三十餘處單騎檢視見道芻草中有遺棄嬰兒遍示通邑能收養者厚糈之仍立保赤局設義倉倣常平倉制夏貸秋收新民便之五年秩滿陞濱州知州邑人爲之立祠

趙希抃字式一直隸三河人天啟間由舉人爲縣令除歷年積弊禁革羨餘剔宿蠹左右屏息公庭肅然豪強避迹鄒滕妖民爲亂修築石城賊不敢逼視蒞任四年以治最陞兵馬司百姓立祠祀之

王復元直隸滿城人天啟間由舉人爲縣令忠厚老

成愛民如子甫一載因誣被論士民惜之

李春萼號韓林直隸永年人天啟間由舉人爲縣令存心愷悌息訟勸農務與民休息冬煮粥以濟饑寒夏施藥以療病疾全活不可勝計搜括庫貯無礙銀八百兩爲民代抵正供毫無染指陞四川忠州知州

祀名宦

胡向化號蓋明直隸容城人崇禎間由舉人爲縣令任事擔當時值海山叛卒煽禍大兵雲集軍需孔急向化調停有方先令富者納輸其小戶從容續解民皆德之陞錦衣衛經歷百姓立祠於羊流店

鄭寔昌號嵩嵐河南魯山人崇禎間由舉入爲
甫抵任值土寇竊發寔昌率士民日夜登陴守禦甚
嚴卒保無虞陞北京南城兵馬司指揮

國朝

盧 紘號澹岩湖北蘄州人己丑會魁學問淵博素
有文名順治間令茲邑邑久乏科第親彙諸生課之
教以經史子集又相學校形勢改濬水口修兩廡竝
內外兩門卯午兩科膺鄉薦者二人時田荒賦重力
請巡按履畝踏丈更定賦役民得蘇息其流移招撫
者以千計沂鎮赴省取餉道經新泰百姓苦之紘控

新泰縣志

卷十一

名宦

六

上官路改青屬民始得安枕皆知有耕鑿之樂不願
以瑣事涉公庭紘每親課農桑所經由古蹟作爲記
傳表贊載之藝文卓卓可傳文行吏治爲新泰百餘
年中所首屈者尋陞廣西桂林府同知東昌府知府
楊繼芳字仲延直隸南和人順治間由選貢爲縣令
恬靜勤潔案無留牘修學宮建察院嚴查保甲無逃
人索詐之害申豁承送木炭縣民如釋重負開屯規
田俱據實開報從前有包荒者悉爲 豁不 貪功
累民民皆德之

甯養氣字子直奉天遼陽人康熙間由廕生爲知縣

修學宮設義塾墾荒田清保甲改修公署初建營房百廢俱舉尤有清操丁艱旋里士民如失慈母爲立碑者四十餘處

宗之璠字旭先號玉崖別號意園四川叙州府宜賓縣籍江西南昌府南昌縣人副貢初授廣西宜山縣令軍前屢建奇功康熙己未知新泰首重學校購民舍十餘楹爲義學士人宗之清釐戶口地畝單騎簡從不辭勞瘁民無虛糧之累己未大饑瀝請賑濟復捐穀二百餘石倣常平之法春貸秋還而又給牛種輕徭役民困始甦三直旱禱雨皆立降飛蝗遍野他

邑禾稼食且盡之璠祭之獨不爲災諸務嚴明宵小迸跡所有修舉無毫末累百姓其自記皆載之藝文蒞任五載爲數十年循吏第一士民建講堂于義學之後祀之戊戌堂成甘露降于縣署階下靈芝生皆以爲德化所致是歲陞冀州知州歷官兵部郎中劉 芷字汝馨順天寶邸人康熙丁丑由舉人爲縣令判斷明敏民無冤獄戊寅春年饑芷請開倉賑濟賴以全活者甚衆

吳大梁三韓人康熙間由監生知新泰勤於勸課桑麻遍野待民一出至誠不事鞭笞而囹圄幾空陞均

州知州

王僧慧字晉卿直隸開州人康熙間由進士爲縣令
雖疑獄無能逃其鑒者尤重學校雍正丁未調蒲臺
縣

魏希尙河南輝縣人雍正十一年由貢生爲縣令多
惠政倡建普濟堂置地二頃有奇收養貧民開羊村
湖田地數百畝給牛種邑民至今思之

張師赤字松門河南儀封人乾隆十七年由進士爲
縣令肅法令絕苞苴待士以禮撫民以恩修學官諸
祠設書院於羊公祠延師課迪開荒田大河莊北百
餘畝又勸捐社谷千餘石以備積貯焉

胡萬吉江西新建人乾隆二十六年由舉人爲縣令
判斷公明心如懸鑑崇學校軫民艱癸未歲修城垣
及明倫堂諸政俱舉邑甚賴之

胡叙寧湖南清泉人乾隆二十七年由舉人爲縣令
崇孝讓勸農桑息訟獄自捐銀六百兩倡建青雲書
院培植人才任五年以疾終於署居官廉潔囊篋蕭
然扶櫬南歸民皆流涕執紼以送

縣丞

明

王來鳳富平人丰度精彩政令嚴明豪猾斂跡陞西平知縣歷陞自在州知州

樊懋孟縣人貞幹濟事廉潔自守

主簿

侯英交河人性果毅吏民畏之陞新蔡縣丞

典史

張魁樂平人正德間任修城池儲武備劉新鄉之守城魁與有力焉

新泰縣志

卷十一

名宦

九

國朝

許夢蘭真定人少年英俊力可有爲

夏文象江南人持已惟廉御下則寬

項炳純浙江人性慈才敏善書工詩

王廷浙江人清勤恪守官箴明達有合儒術

高偉綬大興人賦性明敏立政精勤陞鴨綠鎮巡檢

杜銓字易文紹興人康熙中任多惠政時有杜母

之稱

教諭

明

林 渠福建蒲田人舉人天順間任教士甚勤陞廣州府教授

白 瓚直隸贊皇人天順間任在任九年勤慎如一日士林稱之

劉宗尹裕州人舉人宏治間任以廉慎著稱

陳 竒福建晉江人舉人正德間任明春秋精籀篆新邑人文之盛自竒始陞南監助教

宮延澤平度人舉人隆慶間任模範端方却新進諸

新泰縣志

卷十一

名宦

十

生之餽尤恤寒士陞文安知縣

尹就湯遼陽人天啟間任正己訓士恩義兼盡俸入不足以供朝夕兩攝邑篆分毫無染時以爲難

徐登進字賔吾遼陽人崇禎間任有郭泰人倫之鑒後陞臨洮教授轉河間經歷致仕卜居於新泰之北陳村讀書課子不履城市者二十年

國朝

牟 适號九嶷棲霞人舉人康熙間任課士必先德行而後文藝雖暑雨 寒講貫不輟

王國柱益都人貢生康熙間任不苟言笑對之肅然

談經課藝終日不倦

侯賜樂字六希掖縣人舉人乾隆間任倡議重修

宮教授生徒於學舍一時英俊多出其門中乾隆乙

丑科進士九年陞闕鄉知縣

倪常吉高密人副貢乾隆十三年任家故貧一介不

取冬月常無絮衣教人以躬行爲先獎勵勸諭一出

至誠士林感動

李昌齡菏澤人舉人乾隆二十八年任品行端方課

士慎勤非公事不至縣署紳士俱瞻仰之在任十五

年陞萊州府教授

新泰縣志

卷十一

名宦

十一

訓導

明

魏匡福建龍溪人正德間任諸生貧不自給者時

周恤之

胡紹先河南彰德人嘉靖間任取與不苟終日正襟

危坐九年如一士人敬畏之

吳希孟宿遷人萬歷間任著述甚富署邑篆有善政

張元義益都人天啟間任學問淵博多士賴其啟迪

而於餽餉一無所受以薦遷國子監典簿

國朝

陳王前臨清人康熙間任淹雅博通勤於啟迪多士
矜式之

丁士嘉日照人康熙間任持身有法度諸生奉爲模
範

葛上延字鳳苞曹縣人歲貢乾隆七年任舉動有法
常以宋五子書引翼後進諸生有貧不能葬者分俸
助之